

GANA PREMIUNAN VALIOSO
PARTICIPA DEN E CONCURSO DI
AROS UNCLE BEN

Awor bo por gana premio cu cush-
namento. Corta e portret di Uncle Ben
for di cualkier caja of sacu di aros
Uncle Ben.

Skirbi po recept favorito patras di die
y mandele of entreguele na:
E.G. MARTIJN, - Havenstraat 10...
1 premio un precioso TELEVISOR, y
lo tin seis otro premio mas.

Participa awor!

ARUBA ANSE COURANT



Diario pa



Aruba



SWIFT

BALCHI

Sibi cu salaca, macaroni of batata,
ta forma un comida ideal. Agrega
e plato aki na bo lista di shun!

Agente: **WIRCO**

Anjo 24

DIASABRA 7 DI SEPTEMBER 1963

No. 4736

APUNTES EDITORIAL

RUMBO PELIGROSO

Ta interesante pa awor, un slinan des-
pues di instalacion di e directiva nobo
di L.O.W.U.A. Investiga con e asuntunan
ta para. Nos tabatin tras di otro, nom-
bramento di candidato ariba dia 11 di
Agosto, un decision di huez den kort
geding dia 24, un eligimento di direc-
tiva nobo dia 26 y instalacion di e di-
rectiva aki dia 30, e promer encuentro
di Lago-L.O.W.U.A. dia 31, den cual
Lago a duna su punto di bista, e con-
testa di union ariba esaki dia 2 y un
tres acusacion cerca huez contra di
union medio e slinan aki y un reaccion
fuerte ariba esaki di union.

Lago nos studia e caso aki bon. E
ora ey nos ta mira cu tur cos ta draai
rond di e decision di huez den kort ge-
ding, caminda huez Swanenburg a anun-
cia di no por trata e exhibicionan di
senior Vicente Figaroa. NO pasobra a
resulta cu senior Figaroa no tin razon,
pero pasobra ta contra di e reglamen-
tacion di un decision den kort geding. Y
senior Figaroa no a wordo sentencia pa
paga un boel, pero pasobra te ta esun
cu a lanta e caso e mester a paga e
gastonan cu tabata resultado di esaki.
Alavez huez Swanenburg tabata asina
carinhoso di toch muestra e partidanan
involvi su opinion por lo tanto, cu e
nombramento di candidato no a bai se-
gun statutonan. Esaki mester tabata
un aviso pa e union. Apoye den esaki
pa su abogado, e union a pone e aviso
di huez un banda y dos dia despues a
tene un eleccion. Tumando asina un
riesgo enorme, cu despues e directiva
nobo lo wordo declara ilegal ariba base
di nombramento di candidatonan na un
manera ilegal.

E dificultadnan por a wordo spera:
directiva di Lago a laga awor, cu e com-
pania promer cu e caminsa papia to-
cante di un contract nobo di trabao
collectivo, ta desea di sabi promer con
ta para cu e posicion legal di e direc-
tiva nobo. Un exhibicion logico pa
Lago.

Pues Lago no por risca, cu hopi fun-
cionarionan halt y asina caro usa nan
tempo di dianan y simannan pa pre-
para un contract nobo, mientras cu ta
posibel cu despues e directiva di L.O.W.
U.A. a wordo declara ilegal, door di
cual e contract colectivo di trabao ta
perde su valor y probablemente henter
e proceso di deliberacion tin di cumin-
sa di nobo. Esun cu ta bai tuma deci-
sionnan di importancia y duradero, na-
turalmente kier sabi si e henter
kende e ta sera contract tin e derecho
pa haci esaki.

E abogado di e union a duna di co-
noce cu e hecho cu 1885 miembro di
union a duna nan voto na e directiva
nobo tin di wordo mira como un "voto
di confianza" ariba e directiva nobo, y
"un ratificacion di tur e decisionnan cu
a wordo tuma door di e reunion di
miembronan". "Esun cu kier protes-
ta contra di esaki su cabez no por ta
bon" mr. Van de Voort a bisa.

Esaki ta un voto di confianza? Atro-
be nos kier acerta alkin, cu no ta co-
noce cuanto hende malamente a com-
pronde cu den e kort geding dilanti huez
senior V. Figaroa a sail perdi y cu ei
a wordo condena door di huez pa paga
un boel. Un hentera hentera y li-
der ariba tereno di union a resulta di
tin e opinion aki antayera ainda. Mes-
cos cu na un cantidad grandi por a
bai urna di votacion dia 26, pensando
cu ariba base di e sentencia cu sen-
ior Figaroa a hanta, tur cos tabata safe
cu e nombramento di candidato. Cu
otro palabra: ta posibel, cu mucho me-
nos hende a bai vota si nan tabata sabi,
cu probablemente e nombramento di
candidato na tabata segun statuto!

Na un otro manera tambe nos por
mira si eberdad aki a trata di un "voto
di confianza", manera cu vigor a wordo
declara door di e abogado. Dia 26,
1835 hende a vota. Pero ariba tur dos
e candidatonan pa presidente un total
di unicamente 1683 voto a wordo re-
gistra, loke kier nifica cu 182 persona
a bai vota, sin vota pa un candidato pa
presidente. E hendenan aki probabi-
mente no tabata kier ningun di e can-
didatonan aki como nan presidente
nobo.

Si nos sigui studia e lista di resultado
di eleccion e ora ey nos ta mira, cu
360 no a pone nan vota ariba ningun
di e cuater candidatonan pa vice-pre-
sidente, 352 no a vota ariba un can-
dato pa secretario general y 446 a salta
e candidatonan pa tesorerero. Loke ta
trata di e otro nehe miembronan di
directiva, nos a constata, cu e vota-
nan di dia 26 promedio a vota unica-
(E TA SIGI RIBA PAG 2)

GOBERNADOR WALLACE TA SERA MAS SCHOOL NA ALABAMA

Trupanen di estado ta rondona e schoolnan

HUNTSVILLE, 7 sept. — Gobernador Wallace di es-
tado Mericano Alabama a ordena pa serra 4 school na
Huntsville temporalmente, cu a base di un pronunciacion
di justicia mester admiti hendenan di colo.

Apesar di serramentu di 4 school
— tres school primaria y un secunda-
ria — te dialuna awor, 20 milhe
blancu desido a baha nan yinan
school. Na un dje schoolnan aki nan
a pasa e polisnan di estado, cu a la-
ga nan pasa despues cu nan a hanta
orden via un loudspeaker di un auto
di polis pa laga e muhanan pasa sin
di haci nan danjo. Pero nan a serra
entrada pa dos mucha homber di co-
lo, di kende uno su mayornan taba-
ta canjele y dos polis di rechere-
che federal. Nan a inscribi e muha-
nan blancu.

Nan no a duna les ainda na school-
nan (mester a admiti un alumno di
colo na cada uno di e 4 schoolnan
aki).

Un mucha homber di 12 anja cu
un polis di estado a detene a bisel:
„Abo y Wallace ta loco”. Un muhe

INCIDENTE NA SUR TIROL

MERANO, 7 Sept. — Durante un
razzia contra extremistanan di ha-
bla Aleman den sereania di Merano
na Sur Tirol, un auto di polis a wor-
de tira, local a causa cu un polis a
wordo herida. Cuarenta bala a cobe
e auto. Despues a wordo anuncia for
di Bolzano, cu polis a detene 30 per-
sona pa interrogacion

STUDIANTENAN ARUBANA A BOLBE ARUBA

ORANJESTAD, 7 sept. — Srta. Irena Tromp di Pa-
tiststraat 10, Dakota y Srta. Stella Weller di Piedra Plat 75
a bolbe di un aña di studiantu special na Prairie Bible
Institute Three Hills, Alberta, Canada. Nan a yega dia-
huebs mainta cu bapor Memnon di KNSM.

Tur dos Señoras a sinti un deseo fuerte di prepara
nan mas bon pa e obra di Iglesia Evangélica, especialmen-
te cu muchanan y hobentud.

Na Instituto, nan a tuma un curso
special di un anja cu a inclui lesnan
ti type, Bijbel, Children's Work (con
pa trata cu muchanan) y Personal
Evangelism. Srta. Weller a tuma un
curso den piano y acordeon huntu cu
e otro curso tambe. Nan a comenta
cu nan studiantu tabata duru, pe-
ro nan a persisti encurasha pa e maes-
tronan qu a yuda nan.

Srta. Tromp tabata emplea pa Ra-
dio Victoria prome cu ei a bai Cana-
da. Otro siman e ta sigui cu su tra-
bajo na Radio Victoria. For di oranan
di trabao lo e yuda den obra di Igle-
sia Evangelica di Mont Plazier cu
muchanan y hobentud.

Srta. Weller a gradua di Juliana
School prome cu ei a bai Canada. E
ta plania di traha den obra di mucha
y hobentud huntu cu un misionera
di Mision Alianza y Iglesia Evan-
gelica.

Ora cu nan a sali di Aruba y a yega
na New York, tabata nan privilegio
di asisti den siribishnan di cave (street-
meetings) na Brooklyn caminda hopi
hende di habla Spañol ta bisi. Srta.
Weller a toea su acordeon den caya.

Na fin di nan anja na Instituto
Prairie nan a baha pa dos luna hun-
tu cu Srta. Betty Ratzlaff, misionera
di Mision Alianza, cu a companja nan
ariba su anja afo Aruba. Nan a pre-
senta e obra di Aruba aya na Cana-
da y America cantando y dunando
nan testimonio di loke Cristo a haci
pa nan.

Nan a bolbe cu entusiasmo y cla
pa traha. Den e revista, tur dos Sen-
joras a expresa e deseo di ta un bendi-
cion y yudanza na unda qu nan ta y
especialmente na e hobentud y mu-
chanan di Aruba.

bernador ta bira dictador di Alaba-
ma.

Na Washington e senador repu-
blicano Jacob Javits a declara den
Senado, cu president Kennedy mester
manda eventualmente miliarnan pa
Alabama.

Un corte federal na Tuscaloosa a
rechaza awe un petition cu seis ma-
yor blancu a haci den cua nan ta nidi
pa suspende integracion di schoolnan
na Birmingham. E petition tin apo-
yo di gobernador Wallace.

E CANDELANAN DEN MONDI NA BRASIL

RIO DE JANEIRO, 7 Sept. —
Por lo menos cincuenta persona y
centenares di bestia a muri a causa
di e candelanan grandi den mondi.
cu tabatin na tres diferente lugar den
e estado Parana di Brasil, asina a
wordo participa ariba oficialmente.
Ya ta cinco luna caba cu awa no a
cai na Parana.

E MACUTONAN DEN MISA

ORANJESTAD, 7 sept. — Pastoor
Erkamp, di parokia di Oranjestad ken-
de ultimamente a lanta e plan pa cu-
minsa yuda e menos-afortunadonan di
su parokia cu cuminda etc., a informa
nos cu en total lo tin tres macuto den
misa. Na cada porta lo tin un macuto
den cual e parokianan por duna
loke nan por, pa esnan cu ta menos
afortunado. E macutonan aki lo wor-
de poni na porta di iglesia San Fran-
cisco Diadomingo awor, esta majan.
Mientras cu en futuro esaki lo tuma
lugar cada promer diadomingo di luna.

THE FILTER CIGARETTE
WITH RICH TOBACCO
FLAVOR



FOR YOUR SATISFACTION

MAS EMPLEADO DI A.C.I. PA COLOMBIA

ORANJESTAD, 8 Sept. — Dia 12
p.v. un biaha mas un grupo di em-
pleado di Aruba Chemical Industrie
sali pa Colombia pa hanta un pre-
paracion den un fabrica similar di
kustmest manera ta ser construi ac-
tualmente na Barendara. E „complex
group” aki lo keda dos siman na Co-
lombia. E grupo di empleadonan di e
fabrica di ureum di A.C.I. cu a sali
como tres siman pasa pa Colombia,
ta ser spera bek un di e dianan aki.

E inauguracion oficial di henter e
compleho di fabrica na Barendara, se-
gun ta wordo spera lo tuma lugar
den promer mitar di december. E
inauguracion aki lo tuma lugar di un
manera masha festivo.

DISTINCIONAN PA MORALES Y FIGUEIRA

SAN NICOLAS, 7 Sept. — Du-
rante un comento cu poco dia pasa
a wordo ofrese den Hotel Astoria pa
Bob Steele Insurance na algun em-
pleado, senior Steele a entrega algun
distincion na dos empleado: senior
Herman Figueira y Charles Morales.
Ambos a hanta e „International
Quality Award” como prueba di apre-
cio pa nan prestacionnan riba tereno
di bendemento di seguros.

Ademas senior Figueira a hanta un
trofeo y plaquette pasobra el a termi-
na como segundo den e sector di Ca-
ribe di American Life Insurance Com-
pany den e concurso V.I.P. (Volume
Income and Persistency).

Den un palabra personal dirigi na
ambos empleado senior Steele a mu-
stra ariba cu International Quality
Award pa nan tabata e distincion
mas haltu di seguros, cu nan por a ob-
tene. Solamente tres empleado for di
e organizacion enorme di American
Life Insurance Company a bini en
consideracion e anja aki pa e distin-
cion aki: dos di e tres nan ta traha
sereia Bob Steele Insurance!

Segun senior Steele a laga sa, e ta
masha orgulloso di e resultado aki.

FATUM — Tel.: 1845
pa tur bo aseguran

JUVENTUD MILIONARIOS PA PUERTO RICO

ORANJESTAD, 7 Sept. — E team
di voelbal „Juventud Milionario” ta
spera di sali dia 20 venidero cu Trans
Caribbean Airways pa Puerto Rico.

Esaki lo tuma lugar si e team aki
hanta un cambio den nan lista di en-
cuentronan cu teamnan local. En
cuestion cu esaki, un varia di petition
a wordo manda pa Aruba Voelbal-
bond pa por lo tanto anula un wega
cu un team local dia 21 venidero. Si
e petition aki wordo aproba pa AVB,
anto no lo tin dificultadnan grandi cu
lo por stroba „Juventud Milionario”
bai hunga algun wega na Puerto Rico.
Segun nos a wordo informa pa e
president di Juventud Milionario,
senior E. Tromp, e plan ta pa hunga
dos wega na Puerto Rico. En total
nan lo bai cu mas o menos un 20 per-
sona. Dialuna mainta dia 23 nan ta
spera di ta na Aruba atrobe.



Actualmente e construccion di e antena di TelAruba
ta tumando lugar bao di supervision di senior Edgar Mar-
tins di Radio Victoria. E portret aki ta duna un impresion
di e fase di e construccion aki, cu mester ta cla pa dia 15
p.v. E antena lo tin un altura di 200 pia.

BOULEVARD MALMOK PISTA DI CAREDA DI AUTO

ORANJESTAD, 7 sept. — Diahuebs anochi tabatin
basta hapi hende ariba pia banda di e boulevard na Mal-
mok. Habennan, damanan y diferente caballero. Ancio-
samente nan tabata warda ariba e evenemento cu lo bai
tuma lugar. Mientras tanto algun autonan grandi Meri-
cano tabata corre ariba bao entre Basi Ruti y Malmok, in-
vestigando si tur cos tabata safe ariba caminda y becinda-
rio. Tambe tabatin dos patruilla di polis den embos-
cada ta teniendo e boulevard na bista. Tur e hendenan aki
tabata sperando ariba e evenemento cu lo tuma lugar e
anochi. Un careda di auto clandestino cu durante anjanan
larga continuamente ta tumando lugar ariba e boulevard
na Malmok, pero cu e anochi aki no por a tuma lugar
como cu nan a mira un petchi di polis entre e matanan.


Segun informacionan cu nos a ri-
cibi tocante di e careda di auto
aki, esaki ta algo cu desde boulevard
di Malmok ta cla, ta tumando lugar
continuantemente, cu de bez en cuando
luchanan di „non-activity” pa motibo
cu e racernan ta trahando ariba nan
auto of pa motibo cu polis a hanta
holo di e actividadnan aki. E autonan

Den e lugar Ede na Veluwe na Hu-
landa tin un mercado di carne, cu den
ultimo anjanan a hanta un karakter
folklorico y ta forma un atraccion tu-
ristico. Aki nos por mira algun damas
den bis trahacion di e provincia du-
rante un demostracion di trahamento
di tela.

cu ta tuma parti na e caredanan aki
ta autonan Mericano grandi, cual
motornan majoria parti a hanta un
tratamiento especial bao man di meca-
niconan experto. Segun nos a wordo
informa tin „racer” cu ta bini te for
di San Nicolas pa tuma parti. E a-
nochí cu un careda asina ta bai tuma
lugar, despues cu dos partida cu a
„challenge” otro, a yega na un deci-
sion pa „tira” un careda e „organizad-
dornan” di e careda aki majoria
parti na e ultimo momento, un ora
of dos ora promer ta wordo informa
pa ta cla e anochi pa percura pa tur
cos bai bon. Diferente di e „organi-
zadornan” ta tuma contact cu e „pu-
blico” un ora promer cu e careda tu-
ma lugar. E anochi ey mientras cu e
publico ta bet cu otro (ta baha pa
sumanan basta grandi) kende lo ta e
ganador, e organizadornan ta controla
e pista di careda, pa mira si tur
cos ta na orden. Atencion especial
ta wordo poni ariba emboscada di
polis. Ora cu nan constata esaki e
„racernan” ta wordo avisa promer cu
nan sali for di nan „stacion” pa subi e
pista. E careda e ora ta wordo cance-
la y di mes e publico ta hanta sabi
cu awe nochí e careda no por tuma
lugar.

Pero si tur cos ta mustra bon y safe,
e racernan ta hanta un aviso di esaki
y asina cu e „organizadornan” tin e
caminda cla, door di percura pa nin-
gun auto subi e caminda na e ora
ey, dos monster ariba wiet ta sali na
velocidad grandi cu tin baha ta yega
200 kilometer pa ora of mas. Den-
tro di algun minuut e careda a ter-
mina y e ganador ta wordo declara e
„kampioen”. Esta si el a gana esun
cu durante algun tempo ta carga e
titulo aki caba.

Kende ta e caredornan aki? Hoben-
nan cu tin un auto cu un motor
fuerte y cu ta risca nan bida pa un fa-
ma clandestina. Y esaki no ta uni-
camente hobennan soltero cu ta mi-
na parti pero tambe tatanan di famia.





**THE BOLD NEW PEN
DESIGNED EXCLUSIVELY
FOR MEN**

The world's newest and finest pen. Designed with hand-crafted inlaid points and exclusive Snorkel Pen filling action. Choose from 5 models and 4 colors.

**ARUBA TRADING COMPANY
ORANJESTAD**

TERITORIO INSULAR DI ARUBA

Ontvanger di Teritorio Insular di Aruba ta participa na esnan cu debe awa pa luna di juli 1963 cu aanmaning lo ser poni na post dia 11 di september 1963 y cu for di dia 12 di september 1963 lo cuminsa cobra gastonan di aanmaning pa e luna menciona.

Belangrijke Mededeling

WIJZIGING TELEFOONNUMMERS

Met ingang van Maandag 9 september a.s. zal ons kantoor te Oranjestad telefonisch uitsluitend bereikbaar zijn onder telefoon no. 3105 (3 lijnen).

De oude nummers 1208 en 1209 zullen met ingang van genoemde datum komen te vervallen.

Banco Popular Antiliano N.V.



LAGA REDDY HACIELE PA BOI E TA HACIELE CU SMAAK.

Senjora;
Bo sabi cu Reddy Kilowatt gustosamente kier haci tur trabou fastioso pa bo. Lagúe mansa bo harinja di pan, cushina bo cuminda, polish bo vloernan, stof bo tapijtnan, roaster bo pan y diferente otro trabou.



Cumpleanjos

Awe dia 7 di september ta cumpli anja e simpatica chikita Lillian Arambatzis. Felicitacion ta bin di su mama y tata, rumannan, welo y welanan tanta y omo, primo y prima y demas familia Arambatzis, Marita y Jacobs.

Tambe ta cumpli anja awe e gentil caballero Tarciso Benato Geerman, e ta cumpli 22 anja. Felicitacion ta bin di su mama, tata, rumannan, primo y primanan, su welonan, omo y tantanan y muy especialmente di un querida amiga y demas familia Geerman, Croes, Ridderstap y Ras.

Apuntes editorial

RUMBO PELIGROSO (CONT. DI PAG. 1)

mente ariba sels na lugar di nuebe di e blentisete di e candidatoonan.

Si nos sigul studia e cifranan, y nos tuma, cu e union — manera a worde informa na nos oficialmente ayera — (ta 2.500 miembro, anto nos por constata, cu e presidente cu a hanja 1.079 voto a hanja 43%. E vice-presidente a hanja 18% di e votonan di e miembronan, e secretario general a hanja 47% di e votonan di miembronan y e tesoro a hanja 26%. Y e porcentahe nan aki ta basa ariba e cantidad di miembronan di e union. Pero no ta tur empleado di Lago cu por bira miembro ta miembro en berdad. Na total tin te ainda 400 cu no kier inscribi nan mes como miembro. „E voto di confianza” no ta asina sigur manera nos ta mira ora cu nos interpreta e resultado di e eleccion na e manera aki.

Asina anto cu e directiva no tin e mayoria su tras. Pero hasta si tabata asina, no por worde conclui di esaki, cu e proponemento di candidato tabata na orden. Si mayoria aproba un echo malo, esey no ta nifica cu e ta bon? Ta bala pena pa pensa ariba esaki...

Nos a bisa eaba: ora cu a worde di eldi pa apesar di e aviso di huez laga e eleccion tuma lugar, un riesgo grandi a worde tuma. Esaki a resulta dia 31 ora cu Lago a bisa: nos tin gana di sabi si boso posidon ta legal. Un pregunta asina naturalmente ta menos ridiculo, cu e abogado di e bond kier sugeri. E consecuecianan pa Lago por ta sumamente serio, si e compaña delibera tocante di un contract colectivo nobo di trabou cu e directiva cu no a worde eligi legalmente.

E miembronan di directiva tabatin nan objecion contra di e directiva bieuu cu segun nan opinion a logra mucho poco y tabata mucho carihoso cu e directiva di Lago. Asina cu nan a escohe den e directiva nobo no menos cu nuebe cara nobo, hendenan cu en general sabi masha poco di asunto di union.

Si bisa nada malo di e bonnan nos tin objecion serio contra di e directiva aki, cu manera cu awor ta paree, ta pensa di logra cerca e directiva di Lago door di tuma risiconan grandi y cu un boca grandi. Nos a bisa eaba: e liberacionan tocante di contract colectivo di trabou ta un wegá pa hendenan inteligente cu un experiencia enorme ariba e tereno aki. Den e wegá aki tin dos partida: un cu tin di trata di hanja tanto cu ta posibel y un cu tin di trata di duna lo menos posibel. Lago tin bon deliberação, cu a participa na diferente contractnan. Union tin nuebe persona nobo, cu ta grila cu nan lo duna Lago un les, pero a antes presidente di e union a bisa eaba na su despedida: e tempo cu por a gana algo cerca directiva di Lago door di bai cu moka ariba mesa a pasa hopi tempo eaba.


Con poco sabidoria ariba tereno di



Avisa den
**ARUBAANS
COURANT**
y compara e
resultado



Obtainable at: **PANAMA STORE** — San Nicolas



Sempier na existencia den tur tamanjo, y entrega rapido:

- BLOKKI SOLIDO
- BLOKKI HOL
- BLOKKI PA DECORACION (diferente tipo)
- LAITE, etc.
- PRIJSNAN RAZONABLE

CEMPRO n.v.

WAYACKA — TEL. 2444

bisa cu esaki ta un deseo comprendibel di Lago, pero e union ta bisa, cu algo asina por worde mira como un kibramento di contract di banda di Lago. Alavez e directiva ta bisa den e mes un contestacion cu e union lo tuma medida pa preveni cu un miembro ariba base di e decision di e huez den kort geding cuminsa un caso contra di e union. Mas claro e directiva nobo ta mustra su mes den e paufleta di 4 di september ultimo: unda nos por lesa: „e directiva no por tolera cu un grupo menor por stroba su trabou door di bai cerca huez. „E grupo menor tin di acepta e decision di e mayoria.”

Aki nis mester observa bon, cu e directiva nobo di e union pue kler hala e derechonan fundamental di humanidad di tin y bisa su opinion libramente, manera cu ta para den e carta di Naciones Un y hopi mas promer ainda den e leyman constitucional di Reino, un banda.

E grupo menor mester acepta loke mayoria kier y esun cu ta di opinion cu e directiva a worde eligi na un manera ilegal no mag bal cerca huez pa hincsa su derecho. E declaracion aki di directiva ta mustra segun nos opinion cu e miembronan nobo di directiva tin un mentalidad sumamente peligroso. Unda na Aruba un grupo chiquito no tin mag di bisa loke ta su opinion? Enchano Wever no tabata di acuerdo cu ningun di e partidanan politico y a lantá F.O.A. y ningun hende a strobe. Elchi Croes tabatin un opinion politico cu no tabata pas den ningun di e otro partidanan politico y a funda P.D.C. y ningun hende a strobe. Hasta el e hanja un asiento den e landraad. Y ningun hende a nengé entrada. Den democracia libertadnan fundamental di cada hende ta worde respecta door di tur hende y un di e libertadnan aki ta di tin un propio opinion, aunque cu tur otro hende na mundo por tin un otro. Loke nos ta constata aki ta un tendencia masha peligroso cerca e union: peligroso pa e miembronan, pa Lago, y henter Aruba.

Asina nos ta constata aknan en e empleadonan di Lago cu e directiva aki a cal fur di panchi den eandela. Un directiva cu no tabata haci mucho cos a worde manda cas, y re-emplaza pa un directiva cu promediu no sabi mucho di asunto di union y ariba esey kier bal cambia e derechonan di gruponan chiquito. Eña e directiva ta papia di gruponan menor, aki riba nos a mustra eaba, cu ningun di e miembronan di e directiva a hanja mika di e votonan di e miembronan ariba nan nomber, ni di papia mes di 2.900 empleado kendenan por ta miembro di e union.

BO HOROSCOPO PERSONAL

ARIES

21 Maart — 20 April



Trata pa bai di lanti awe tantu den mainta como alardi. Tin hende cu por ta contra di bo ideanan, convence nan.

TAURUS

21 April — 20 Mei



Tene un bista riba bo finanzas awe y prepara bo mes pa hendenan cu no kier paga bo y coopera cu bo.

GEMINI

21 Mei — 20 Juni



Awe bo mester deferde bo punto di bista y evita desunion cu bo familia. Den anochi bo por busea dibeitacion.

CANCER

21 Juni — 22 Juli



Awe bo por ta hopi bao di influencia di un familiar of un hende den bo becindario. Paga atencion na bo dieta.

LEO

23 Juli — 22 Augustus



Probablemente bo lo duda pa moubunan financiero en relacion cu un gasto cu bo kier haci. No forza bo mes.

VIRGO

23 Augustus — 22 September



Traia pa banja un manera pa solucionar eventual desunion cu bo familia y hendenan rond di bo. No perde bo confianza.

LIBRA

23 September — 22 October



Tene contacto cu hendenan rond di bo. Ta posibel cu cierto hendenan por ta masha nervioso awe.

SCORPIO

23 October — 22 November



Provecha di e oranan di mainta awe. Bo por logra hopi pero tene cuidado cu hendenan nervioso y euda bo dieta.

SAGITARIUS

23 November — 21 December



Evita tur sorto di argumento awe. Controla bo impresionan: minisiosamente y sea diplomático.

CAPRICORNUS

22 December — 19 Januari



Sea dispuesto pa lubida algun di bo planman personal awe tardi. Bo deber of un cierto persona por stroba esey.

ACUARIUS

20 Januari — 18 Februari



Probablemente bo lo desea pa tene bo mes poco atras y descanza awe. Laga oronnan sa cu bo ley si trata pa juda.

PISCES

19 Februari — 20 Maart



Cuminsa tempran awe pa realiza bo speranzanan y busca cooperacion cerca bo amiguan. A tardi ta menos favorable.

CISCO KID presenta pa cortesia di ARUBA BOTTLING COMPANY NESBITTS den varios sabor, e refresconan mas pidi y mas gusta na Aruba.

1. Mi a tumba uno. Ata ciñan a cai un otro.
2. Mira con nan ta bini. Nan mes er ta un milyon.



PEPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.

1. Bo kier galinja hasa pa bo cena di awe?
- Si, querida.
2. Y bo ta gusta bota di appel pa bo desert?
- Si, querida.
3. Y cu por cunpra un otro bistur pa mi?
- Si, querida.
4. Mi kier meen, no querida.



Itch Germs Killed in 7 Minutes

Your skin has nearly 50 million tiny germs and pores where germs hide and cause terrible itching, cracking, eczema, peeling, burning, acne, ringworm, psoriasis, blackheads, pimples, foot itch and other blemishes. Ordinary treatments give only temporary relief because they do not kill the germ cause. The new discovery, Nixoderm, kills the germs in 7 minutes and is guaranteed to give you a soft, clear, attractive, smooth skin in one week, or money back on return of empty package. Get guaranteed Nixoderm from your chemist today and see the difference it makes in your skin.

Nixoderm
For Skin Troubles

REY DE COPAS

TA REGALA

Fls. 13.500

*E famoso y delicioso RON REY DE
COPAS quier ofrece tur su clientenan
na Aruba e oportunidad di por gana
premionan valioso*



PROMER PREMIO
UN AUTO FIAT 1300
DI UN VALOR DI FL. 4200,—



SEGUNDO PREMIO
UN AUTO FIAT 1300
DI UN VALOR DI FL. 4200,—



TERCER PREMIO
UN AUTO FIAT 1300
DI UN VALOR DI FL. 4200,—



20 PREMIOS: Tur number cu sali premia cu fl. 500,— den Loteria di Gobierno

Un Caja di Ron Rey de Copas 12/1

Tur loque bo tin di haci pa por participa den e grandioso concurso aqui ta cam-
bia 10 capsula di RON REY DE COPAS pa un boleto of un botter bashi di 6/2 pa
un boleto, of 2 botter bashi di 12/1 pa un boleto, of 4 botter bashi di 24/2 pa
un boleto, of 8 botter bashi di 48/4 pa un boleto.

E concurso aqui ta hunga riba sorteo di loteria di gobierno di dia

26 di September '63

PREMIO TA SER PAGA PA

REY DE COPAS

ARUBA DISTILLING COMPANY WILHELMINASTRAAT 47 TEL: 1266

J. H. (Yendi) CROES Santa Cruz Tel: 1041